

**ABIA ÒLBE, DER EARSTE ARTIKL VAN JOR PASCHRAIP
DE ZEIL VAN LAIT EN TO EN JOR AS IST GARO VERPAI**

Baivle sai ber en Tol? De statistik van lait en 2024


Come ogni anno, l'apertura della prima pagina è dedicata ad un'analisi dei dati demografici dei nostri comuni, che confermano una sostanziale stabilità del numero dei residenti. Fierozzo/Vlarotz rimane il comune più numeroso seguito da Frassilongo/Garait, che se nel 2023 aveva registrato un saldo positivo di ben 10 persone, lo scorso anno ha subito un calo di ben 9 residenti, e da Palai/Palai che rimane il comune meno numeroso della nostra comunità ma per il 2024 si è dimostrato l'unico ad avere un saldo positivo.

Abia òlbe, af de earste Liaba lait van jor stell ber vour en de leser de datn van zeil van lait en Tol en jor as ist garo vepai. De datn va de gönze gamoa'schöft sai' haier laaischiar glaich: Vlarotz plaip nou de greaseste gamoa', döra kimp de gamoa' va Garait as ist ogöngen va 9 lait en 2023 ont Palai as plaip de kleaneste gamoa' ober as ist augöngen va 3 mentschn.

Sechber iaz de datn gamoa' ver gamoa' ont verleist de sèlln van gönze tol.

Vong ber u' pet de sèlln va Vlarotz. De greaseste gamoa' hot' u'pfök s jor pet 464 mentschn. De mander sai' 249 gaben ont de baiber 215. S sai' augöngen vinf diabrdler. De lait as hom ens galöt sai' drai gaben: zboa mander ont a baib. S sai' zuarkemmen 4 mentschn, a baib ont drai mander ont de sèlln as sai' vörtgöngen va de gamoa' sai' seksa gaben, zboa mander ont viar baiber.

As der leist to van jor de vlarotzer sai' 463 gaben (za song de borat, de baratn dena 646 abia en u'vöng van jor bavai a mentsch ist göngen en auslönt ont er ist kemmen inntschirm en Aire register). De mander sai' 248 ont de baiber 215. Sech ber iaz de datn va de gamoa' va Garait as ist gaben de oa'zege gamoa' za böcksn en 2022 ont en 2023 ont enveze vertn hot' verlourn 9 ainboner. Der earst to van jor, de mentschn sai' gaben 352, pet 182 mander ont 170 baiber. S sai' augöngen zboa kinder. De mentschn as hom ens galöt sai' viva gaben. De sèlln as zuarkemmen sai', sai' na'na gaben ont vifzen mentschn sai' vörtgöngen.




Der leist to van jor, en de gamoa' va Garait hot' s gahòp 343 mentschn, zeichen mear van easrt to van jor, 177 mander ont 166 baiber.

Geaber iaz envire pet Palai. Ber hom u'pfönk s 2023 pet 159 lait: 81 mander ont 78 baiber. S ist augöngen a piabl ont zboa mentschn, an mònna ont a baib, hom ens galöt. S sai' zuarkemmen, öcht lait, seksa mander ont zboa

baiber ont zboa mentschn. An mònna ont a baib, sai' vortgöngen ont öndra zboa mander sai' vortganomen van gamoa' register van lait va de gamoa'. Der leist to van jor en Palai hot' s gahòp 162 mentschn, 84 mander ont 78 baiber.

Ont iaz de datn ver en gönze tol (de gamoa' va Garait, de sèlln va Palai ont de sèlln va Vlarotz).



Der earste to van jor, de lait sai' gaben 975, 512 mander ont 463 baiber. S sai' augöngen öcht kinder. De sèlln as hom en galöt sai' zeichen gaben. De sèlln as sai' zuarkemmen sai' 21 gaben ont 25 mentschn sai' vortgöngen. Der leist to van jor en de inser gamoa'schöft sai' ber gaböcksn va zboa lait. Iaz sai' ber en 968 (509 mander ot 459 baiber). Ont ver za riven, schau ber de zeil van

an iata gamoa' keing en sèll van gönze Tol: asou meing ber sechen s Prozent van lait as lem en an iata gamoa'. En Vlarotz lep òlbe s 48 Prozent van lait va de bersntoler gamoa'schöft, abia vertn. Garat s 35% Prozent van lait van tol, an punkt minder keing en 2023. S Prozent va Palai ist an punkt mear pet en 17 Prozent van bersntoler as lem en Palai.

LORENZA GROFF

ASN YOUTUBESENTER VAN BERSNTOLER KULTURINSTITUT HÖT S 23 TRÈFFN AS MEARER TEMEN

De referatn en internazionale convegno va schanmikeal as en bersntolerisch sai' iaz online



"De bëlt um ins. Il möcheno e altre lingue germaniche: strategie e prospettive" è il titolo del prestigioso convegno internazionale che si è tenuto a Palù del Fersina dal 10 al 12 ottobre scorsi. L'Istituto Culturale Möcheno - Bersntoler Kulturinstitut ha ora pubblicato sul suo canale YouTube 23 interventi, suddividendo le relazioni in 5 sezioni tematiche.

"De bëlt um ins. Il möcheno e altre lingue germaniche: strategie e prospettive" ist gaben der titl van convegno as hot' se gahölt in Palai va de 10 finz as de 12 van schanmikeal. S Bersntoler Kulturinstitut hot' iaz galeikt ver ölla as en sai' Youtubesender 23

referatn, autoalt en vinf sessionen, abia der convegno.

Der tréff hot' vour gahòp za verstea' mearer aspektn van sprochminderheitn ont mear as onderst va de taitschn sprochminderheitn ont de bersntolerisch. S sai' gaben auskennlait va Balschlönt, Taitschlönt ont Osterreich as mearer materie: de gschicht, de didaktik, de lear, de digitalisierung ont de musealisierung. De relatorn sai' 28 gaben, en mearer sektorn: s lear van sprochen, de gschicht, de museen, de digitaletn instrumenten ont asou envire.

S earste toal ist gaben asn tema van de perspektiven en de digital zait. S sboate toal ist gaben as de

taitschn sprochgamoa'schöft abia minderheitn. En dritte toal hot' men klöfft va abia as de museen meing kontarn ont schaung läng temen abia de migrazionen, s umanönder gea' van lait ont der kulturaustausch. En de viarte session ist klöfft kemmen van sprochen ont van dialektin pet en envirgea' va de gschicht. En de leiste session hom sa klöfft van sprochen va morg ont va bos as tea' könn de schual. De 23 relazionen mu men sa vinnen asn Youtubesender van Bersntoler Kulturinstitut ont men könn aa sechen de rai van relazionen as de internetsait asn convegno van Bersntoler Kulturinstitut.

LORENZA GROFF


S IST ARAUSKEMMEN DER NR. 34, S HEFTL PET STICKLER AS BERSNTOLERISCH, BALSCH ONT TAITSCH

"Lem", austoalt de zaitschrift van Bersntoler Kulturinstitut zòmm pet en klender 2025

È uscito il nuovo numero di Lem, la rivista dell'Istituto culturale möcheno, disponibile anche online alla pagina del Bersntoler Kulturinstitut. Questo numero, con articoli in möcheno, italiano e tedesco, tratta le attività svolte nel corso dell'anno dal Bersntoler Kulturinstitut, come il convegno internazionale sulla lingua möcheno e le altre lingue germaniche di ottobre o le celebrazioni per i 700 anni di fondazione del maso Filzerhof oltre a presentare i nuovi organi dell'Istituto e all'editoriale della presidente Patrizia Bocher.

Der nai numer van Lem ist kemmen austoalt, zòmm pet en klender 2025, en de familie van Tol, en de sèlln as iaz lem umanönder en Trentin ont en de bëlt ont en de innrichtungen ont vraischöftn as zòmmpuntn sai'!

Der numer va schantönderer klöfft van bichtegestn örbeten van Bersntoler Kulturinstitut abia der internazionale convegno "De bëlt um ins" van schanmikeal 2024, de vairn ver de 700 jarder va de grundung van Filzerhof, van konkursn as bersntolerisch 3 ver 1 ont van Summer club. Derzua der earste artikl stellt vour en de



lait de nain orgln van Institut ont a stickl va de presidenten Patrizia Bocher. De gschicht va de doi zaitschrift ist lònk bavai der earste numer ist en 1990 arauskemmen. En u'vöng hot' se "Identità" gahoasn ont ist gaben ver de bersntoler- ont ver de zimbrische-gamoa'schöft va Lusèrn bavai en de sèll zait s hot' an oa'zege institut gahòp. Sait en jor 2005 de zaitschrift hot' se gahoasn òlbe Lem. Zòmm pet de zaitschrift kimmp austoalt der klender 2025 aa. De pilder sai' kemmen tscherelt zbinsch de sèlln as auganommen kemmen sai' durch an bando offet en ölla. De numern va Lem meing aa en internet vinnen kemmen as de sait van Bersntoler Kulturinstitut.

LORENZA GROFF

**Sendungen
radio va de RAI
va Trea't
as klöffen
van taitschn
sprochminderheitn
van Trentin**

En eirta as ist verpai ist u'pfönk a rai va 12 tréffen va sendungen radio gamöcht va de RAI va Trea't en titl "Lingue germaniche del Trentino, Möcheno e Cimbro dal principio".

Der zil van programm, as ist gamöcht as balsch, ist za läng verstea' en de lait de kultur, de sproch van inser gamoa'schöft ont va de sèll va Lusèrn.

Der tréff ist öll eirta um 12:45 ver 12 bochen asn kanal RAI Radio 1. Döra bart men de sendungen en internet aa sechen meing.